



Na osnovu člana 14. i člana 15. stav (1) tačka b) Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj 49/06 i 51/09), člana 50. stav (1) tačka e) i člana 146. stav (1) i stav (2) Statuta Općine Novo Sarajevo - Prečišćeni tekst („Službene novine Kantona Sarajevo“ broj: 50/20 – Prečišćen tekst i 20/20 – Ispravka), člana 15. Odluke o izvršavanju Budžeta Općine Novo Sarajevo za 2024. godinu („Službene novine Kantona Sarajevo“ broj: 1/24 i 13/24) i člana 3. Pravilnika o utvrđivanju uslova i kriterija za sufinansiranje javnih kuhinja Kantona Sarajevo koje imaju korisnike sa područja Općine Novo Sarajevo („Službene novine Kantona Sarajevo“, broj: 17/24), Načelnik Općine Novo Sarajevo, raspisuje

**JAVNI POZIV ZA SUFINANSIRANJE
JAVNIH KUHINJA KANTONA SARAJEVO
KOJE IMAJU KORISNIKE SA PODRUČJA OPĆINE NOVO SARAJEVO**

I PREDMET JAVNOG POZIVA

Predmet Javnog poziva je prikupljanje zahtjeva za sufinansiranje javnih kuhinja Kantona Sarajevo koje imaju korisnike sa područja Općine Novo Sarajevo. Planirani iznos sredstava namijenjen je za sufinansiranje troškova dodatne ponude koju javne kuhinje trebaju omogućiti korisnicima sa područja Općine Novo Sarajevo (paketi sa osnovnim životnim namirnicama, svježe voće, proizvodi za održavanje lične i porodične higijene i slično). Sredstva se dodjeljuju u skladu sa Odlukom o izvršenju Budžeta Općine Novo Sarajevo za 2024. godinu („Službene novine Kantona Sarajevo“ broj: : 1/24 i 13/24).

II PRAVO UČEŠĆA

Javne kuhinje su definisane članom 11. Uredbe o priznavanju prava na topli obrok u javnim kuhinjama Kantona Sarajevo („Službene novine Kantona Sarajevo“, broj 10/17, 22/19 i 19/22). U skladu sa navedenom Uredbom: „U Kantonu Sarajevo funkcionišu: Centralna javna kuhinja - Crveni križ Kantona Sarajevo, Javna kuhinja "Merhamet", Pučka kuhinja "Kruh svetog Ante", Narodna kuhinja "Stari Grad" Sarajevo, Pučka kuhinja "Jelo na kotačima" - Caritas Vrhbosanske Nadbiskupije i Javna kuhinja "Dobrotvor", sa punktovima.“

U skladu sa Uredbom, o priznavanju prava na topli obrok po zahtjevu korisnika odlučuje rješenjem Služba socijalne zaštite općine prema mjestu prebivališta ili boravišta podnosioca zahtjeva.

III KRITERIJI

Opći kriteriji:

1. Da je javna kuhinja registrovana na nivou Kantona Sarajevo u skladu sa Uredbom o priznavanju prava na topli obrok u Javnim kuhinjama Kantona Sarajevo („Službene novine Kantona Sarajevo“ broj: 10/17, 22/19 i 19/22),
2. Da su korisnici javne kuhinje građani sa područja Općine Novo Sarajevo,

Posebni kriteriji:

1. Utvrđen broj korisnika usluga javne kuhinje sa područja Općine Novo Sarajevo od strane nadležne JU „Kantonalni Centar za socijalni rad“ – Služba socijalne zaštite Općine Novo Sarajevo, kojim je osobama sa područja Općine Novo Sarajevo priznato pravo korištenja usluga javnih kuhinja.
2. Obrazloženje poboljšanja kvalitete usluga i ponude javne kuhinje odobrenim sredstvima u odnosu na utvrđeni broj korisnika iste.

Raspoloživa sredstva će biti raspoređena podnosiocima zahtjeva koji ispune uslove na osnovu broja korisnika sa područja Općine Novo Sarajevo utvrđenih uvjerenjem izdatim od strane Službe socijalne zaštite Novo Sarajevo, i to:

Do 20 korisnika – 2.000,00 KM

Od 21 do 50 korisnika – 3.000,00 KM

Od 51 do 100 korisnika – 5.000,00 KM

Više od 100 korisnika – 10.000,00 KM.

IV POTREBNA DOKUMENTACIJA

1. Zahtjev – prijava na javni poziv,
2. Rješenje o registraciji javne kuhinje,
3. Porezni identifikacioni broj (ID broj),
4. Broj transakcijskog računa (ugovor s bankom ili potvrda banke o otvorenom računu),
5. Program rada koji treba sadržavati namjenu i obrazloženje opravdanosti potrebe poboljšanja kvalitete usluga i ponude javne kuhinje za korisnike sa područja Općine Novo Sarajevo,
6. Uvjerenje izdato od strane nadležne JU „Kantonalni Centar za socijalni rad“ – Služba socijalne zaštite Općine Novo Sarajevo, o broju korisnika sa područja Općine Novo Sarajevo kojima je priznato pravo korištenja usluga javne kuhinje.

Dokumenti za prijavu na Javni poziv moraju biti u originalu ili ovjerenoj kopiji ne starije od šest mjeseci.

*Općina Novo Sarajevo, ulica Zmaja od Bosne br. 55, centrala telefon (387 33) 492 100
Služba za socijalna pitanja, zdravstvo, izbjeglice i raseljena lica
tel: (387 33) 492 124, fax: (387 33) 492 324, email: socijalna.pitanja@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.*

V NAČIN I ROK PRIJAVLJIVANJA

Javni poziv će biti objavljen na web stranici Općine Novo Sarajevo, u dnevnim novinama i na Oglasnoj ploči Općine Novo Sarajevo.

Javni poziv ostaje otvoren 10 (deset) dana od dana posljednjeg objavljivanja u dnevnim novinama. Nepotpune i neblagovremene prijave se neće razmatrati.

Prijave sa naznakom za „Javni poziv za javne kuhinje“ – „Ne otvarati“, podnose se direktno na protokol Općine Novo Sarajevo ili poštom na slijedeću adresu:

Općina Novo Sarajevo

Služba za socijalna pitanja, zdravstvo, izbjeglice i raseljena lica

Zmaja od Bosne broj 55

71 000 Sarajevo

Bosna i Hercegovina.

Dodatne informacije se mogu dobiti svakim radnim danom pozivom na broj telefona: 033/492-126.

Broj: 15-30-5-4072/24

Sarajevo, 22.05.2024. godine

OPĆINSKI NAČELNIK

Dr. Hasan Tanović